

سنگ ايجون

صاي
1030

تأسيس تاريخي : 7 تشرين اول 1336

<p>سنگ ابون شاطي آقره ايجون : 750 فروش ولايتلر : 900 فروش</p>	<p>3 تشرين ثاني 1928 جمعه ايرسي</p>	<p>اداري و فكري معاموت ايجونه ماش وكالت جليله مدونات مديرانه مراجعت اولنور</p>
---	---	--

رئيس جمهور حضرتلرينك بويوك ملت مجلسنك اوچنجي انتخاب دوره سنگ ايجون اجتماعنده

هيئت عموميه ده ايراد بويوردقلى نطق

خساراتندن وطنداشلىر جسارت وسرعتله قالفاجق رقدرت
كوسترمشلردر . قلعه جك خساراتنك ده تأثيرلى سرعتله
زائل اولمقده در . بعض ولايتلر مزده بوسنه سرت برشكده
دوام ايدن قوراقلقدن ده زياته مضطرب ومناثر اولدق .
برطرفدن مملكستك عمومى استحصالاتنده كى نسبي موازنه ،
ديكر طرفدن قوراق منطقه لرده تكتيش ايديلن تدبيرلر
وياردىملردارلفك تأثيرلى كرك كى آزالتمشدر . هلال احمر ك
كرك زلزله ، كرك قوراق ساحه لرده يارديمه قوشمق
ايجون كوستردىكى غيرت واقتمدارى حضور كزده بوتون
ملته قارشى تشكرله ياد ايدرم . (آلفيشلر) كچن سسنه
ظرفنده برملى آرتمش اولان هلال احمر اعضاسى
وطنداشلىرك ، آفت واحتياج كونلرى ايجون ، ناصل
خيرلى برشفقت خزينه سى حاضر لادقلى بر كره ده
ثابت اولدى . بونك كى حمايه اطفال جمعيتنك انكشافنده
عمومى علاقه يى تحريك ايتك ايسترم . (آلفيشلر)
شرق ولايتلر مزك برقسمنده احداث ايديلن عمومى

بويوك ملت مجلسنك محترم اعضاسى !
بويوك ملت مجلسنك اوچونجى انتخاب دوره سنگ
ايجونى اجتماعى آچيورم . بو آنده يكي برشوق ايله
مجهز ، ملت مزك غيرت وقدرتنه تازه براعتاد ايله كوه نير
بولونيورز . عزيز آرقداشلىرى بوجانلى دويغورله
سلاملامقندن شرف وحضور ايجنده يم .
كچن سنه مملكستك داخل حياتنده ، آسايش وحضور
اعتباريله ، يكي برترقى مرحله سيدر . سياسى وادارى مهم
هيچ برعارضه وطنداشلىرك عموميتله نورمال باشايدشلىرى
انجيشتمه مشدر . بالعكس طبيعى عارضه لرك بعض منطقه
لر مزده كى ضررلى تأثيرلى وطنك بوتون اولادلرينك
بر برينى دويان ، بر برينه دايانان اجتماعى حساسيتلر يله اساسلى
اولارق خفيفه تيله بيلمشدر . از مير حواليسنده كى ووك
كونلرده قلعه جكده كى زلزله لرده بونجيب تظاهرايه شاهد
اولدق . ايلك كونلرك ويردىكى انديشه قادار اهميتلى
اولمادىنى نمونيتله آكلاشيلان طور بالى زلزله سنگ

اسکی عدایه ، اسکی ذهنیت واسکی اصولاردن اوچ سنه اول آنجق اوچ یوز سکیز بیک لیرا میدانده بولش اولان جمهوریت بوکون املاک وایتام بائقسه سنه آتی میلیون ایکی یوز یکرمی بیک کور لیرا تسایم ایتمش بولنیور . (آلفیشلر) جمهوریتک بالخاصه کیمسه سبز لک کیمسه سنی اولدیغنی یکیدن اثبات ایدن بو نتیجه نی ممنونیتله تقدیر کوزه عرض ایدرم . (آلفیشلر)

افندیلر ،

خارجی سیاستمزده درستاک ، مملکت مزک امنیتنه وانکشافنک مصونیتنه دقت شعاری حرکت مزه قلاغوز اولقده در . اساسلی اصلاحات وانکشافات ایچنده بولنان بر مملکتک هم کندیسندن هم محیطلر نده صلح وحضوری جدآ آرزو ایتسندن داها قولای ایضاح اولنا بیله جک رکیفیت اولاماز . بوصیمی آرزودن ملهم اولان خارجی سیاستمزده مملکتک مصونیتنی ، امنیتنی ، وطنداشلرک حقلرینی هر هانکی بر تجاوززه قارشنی بالذات مدافعه ایده بیلیمک قدرتی ده بالخاصه کوزده طوندیغمز نقطه در . (آلفیشلر)

قارا ودگر و هوا اردولریمزی بو مملکت نده صالحی وامینیتی مصون بولوندیراجق بر قوتده محافظه یه بونک ایچون چوق اهمیت ویریودز . (آلفیشلر)

جمهوریت حکومتی ملتر آراسنده امنیت میثاقلری عقدی ایچون خصوصی بر غیرت کوستر مکده در . بزه تکلیف اولنان کدلوغ میثاقنه التحاق ایچونده عینی صمیمیتله موافقت می بیلدیردک .

افندیلر ،

کچن سنه ایچنده دوستمز افغانستانک قیمتلی حکمدار لری قرال وقرالیچه حضرتلرینک بزنی زیارتلریله مباحی اولدق . قرال وقرالیچه حضراتی مملکت مزک هر طرفنده حقیقی محبت تظاهراتیه قبول اولونمشلردر . تورک عائله سی ایچنده بیر اقدقلری قیمتلی خاطرهلری دائمآ محافظه ایده جکیز .

مفتشاک ، اصابتلی و فایدالی اولمشدر . جمهوریت قانونلرینک امنیتله صیغینیلایجق یکانه بر اولدیغنک آکلاشیلما سی بو حوالیده حضور وانکشاف ایچون اساسلی بر مبدأدر . یکی فعالیت دورمزده کرک بو حوالیده کرک مملکتک دیگر قسملر نده ، طور اغانی اولمان چیقتجیلره طور اغانی تدارک ایتک مسئله سیله اهمیتلی اولارق اشتعال بو بورا جقسکیز . حکومتمک شیمدی یه قدر بو یولده دوام ایدن غیرت نه یکی تدبیرلر یکنزله داها زیاده وسعت ویرمهک موافقت کیزی تمی ایدرم .

کچن سنه یکی اساسلره کوره احداث بو یوردیغکیز یکی ناحیهلر عمومی اداره ده فایدالرینی در حال کوستر مشدر . بوتون مملکتی یکی ، تام تشکیلاتلی ناحیهلره قابلامق هدفنه طوغرو بوسنده ممکن اولدیغنی قدر ایلرله مک لازمدر . آنا وطنه قاووشان مبادل و طنداشرک اسکان ، تملیک معامله لرینک آرتق نهایت بولماسنده اعظمی غیرت وسرعت صرفی ایچون حکومتجه تدبیرلر آلمق مقرر در . شهر ایشلر مزک اداره سنی دوزه لتوب نظامه قویاجق قانون لایحه سی بو سنه تقدیم اولنا جقدر . دولت مزک مرکزی اولان آنقره نک اعمار ی ایچون قبول بو یور . دیغکیز قانونک طلب ایتدیکی حاضر لقلره اشتغال اولنا جقدر .

محترم افندیلر ،

عدلیه مزک سیری متبادی بر تکامل تعقیب ایتمکده در . عصری ومدنی قانونلر ، وطنداشرک احتیاجنه کافی ، یاننده محکمهلر ، بالخاصه بیابکیلی حا کملر تملارینه دایانان عدالت ذهنیت وتشکیلات مزک کچن سنه سی ممنونیتله تحظر اولنا بیلیر . بو دوره ده دخنی عینی هدفله طوغرو یکیدن مسافهلر آلا جفکیزی قوتله اوماقده می . جزا محاکمه لری اصولی ، دکیز تجارتی ، تجارتده افلاس ، اجرا قانونی لایحه لری بو دوره ده سزه تقدیم اولونا جقدر . اوکسوز لرک حقلرینی قورومق ایچون اتخا ایتدیگکیز تدبیرلرک بو کونکی ویریمی جدآ سویندیره جک بر نتیجه در .

افندیلر ،

مالیہ مزیدہ، سوک سنہ لردہ اوزہ نہرک التزام بویوردیغکز جدی موازنہ مسلکینک فیضلری بارزدر . خزینہ نک تعهد و تادیہ لری شاشایان بر انتظامہ کیرمشدر . حال بودجه سنک خارجندہ فلان اسیکی بوکارکده بودجه ایچندہ دوشونلش اولماسی صورتندہ کی تمایک کنیشلمہ سی ، دالغالی بورجرک تادیہ شکنک تنظیم و نثیتی بووادیدہ یکی بر تکامل اولاجقدر . دالغالی بورجرل کاملاً سزہ تقدیم اولوندینی وقت جموریت مالیہ سنک وضیت واستقبالک نہ قدر صاغلام اولدینی ایچہ آکلاشیله جقدر . جمهوریتک کاغذپاراسنک دکیشدرلمسی ختام بولمشدر . جمهوریت ناقه سنک بوسنہ ظرفندہ آچیلماسنہ موفقیتکنز ، یوکسک واساسلی اجرا آتکنز . حقیقتاً اقتخار اولنہ حق بر علاوہ اولاجقدر .

افندیلر ،

وطن اقتصادیاپی تدبیرلینک باشندہ عدایتدیککنز مواصلہ فعالیتلری اوگزده کی سنہ لر کوزہ کورونور ندیجہ لر ویرمکہ نامزددر . دمیربوللریمک یکی اسپتاسیونلری مملکتک مختلف کوشہ لرنده و عدلی چہرہ لرنینی کوستر . مکہ باشلادیلر . (آلفیشلر) . اوگزده کی سنہ ظرفندہ دیاربرک استقامتتہ دیگر استقامتلردہ بشیوز کیلومترہ یہ یقین یکی خطرک آچیلہ بیلہ جکنی اومویوروز . سیواسدن ارضرومہ کیدہ جک دمیریولی ایلہ اشتغال ایتمک زمانہ کلشدر . بوسنہ یول انشا آتکده ثمرہ لری بر شکلدہ تنظیمی ایلہ اہمیتلی اولارق مشغول اولاجقسکز . بومملکتک یوللر ایچین بوکون تخصیص ایتمش بولوندینی واسطہ لرلہ داہا چوق ایش میدانہ کتیرمک ممکن اولاجغنی امید اید و رز . کنیش برصو سیاستک تطبیقاتنہ باشلا . نابیلہ سی جدأ ملتزمدر . مملکتی بوسوتون یکی بریارا تجلیغہ موفق ایدہ جک اولان صولاما ایشلرینک درین علاقہ کیزلہ تحقق ایدہ بیللمسی شہہ سزدر .

زراعت و اورماندہ یکی تدبیرلرلہ انکشافہ ہمتکنز یرندہ اولاجقدر .

قرال حضرتلرینک عنمکارانہ اصلاحاتی دوستلرینہ علاقہ وافتخارلہ تام موفقیت قناعتی ویرمکہدر .

بو اجتماعکزدہ حکومتک یازین امضا ایتمدیکی مقالہ لر سزہ تقدیم اولنا جقدر . افغانستان ایلہ اسکیندن موجود اولان معاہدہ احکامنی ، یکی وداہا عملی صاغلام اساسلرہ کورہ تنظیم ایدن یکی معاہدہ و مریوطلری بو جلدہ ندیر . ایرالہ دوستانہ مناسبانک انکشافہ خدمت ایدہ جکنی اومدیغمز پرتو قوللری نمونینتہ تاقی بویوراجغکزہ امیم . ایٹالیا ایلہ امضالانان معاہدہ نک ایسہ ایکی مملکت آراستندہ امنیت ہواسنی تقویہ ایتمسی ، ایکی قومشونک صمیمی نیتلرنی کوسترمسی اعتباریلہ تقدیر و تصویبکنزہ لایق اولماسی قولہ ماملدر . دوستمز سوویہت حکومتیلہ امضالانان یکی مقالہ لر حدود اہالیزک مناسباتی تنظیم ایتمکہدر .

افندیلر ،

ماضیدن دور آلدیغمز بورجرلہ متعلق ائتلافنامہ یی دہ حکومت سزہ تقدیم ایدہ جکدر .

بوائتلافنامہ نک خفیف شرطلرلہ عقد اولوندیغنی وبومملکتک طاقتنک بو یوکی صارصیلما دن قالدیرایاہ جکنی تخمین وادعا قولای دکلدر . بورجی ومدنی قرہ دی یی طابیق صورتندہ کی ملی ومعنوی مجبوریت بوائتلافنامہ یی سزہ تقدیمہ سائق اولمشدر .

معلق مسئلہ لریمک بریسی سوریه حدودندہ برتورلو تأسس ایدہ مہین امنیتک تأسیسی ، دیگرری مبادل ، غیر مبادل وطنداشلرک حقوقنی تأمین ایدہ بیلہ جک تسویہ لرک بولونماسیدر . سنہ لرنبری بر چوق ائتلافلرہ وامضالرہ اقتران ایتمش اولان بومسئلہ لرک عملی ، حقیقی وراذیقال حالارہ ربط اولونابیلہ سندن جدأ نمون اولاجنز .

سایدیغمز تفصیلات خارجندہ مناسباتمز عمومیتلہ نورمالدر . معاہدہ لرک ، مقالہ لرک و بین المللی ایی مناسبات آرزولرینک تنظیم ایتمدیکی خطر داخندہ دوستلق و اقتصاد مناسبتلری انکشاف ایتمکہدر .

خصوصی و عمومی ادارہ لردن معارفہ تخصیص اولونان واسطہ لہر ، مختلف وکالت لردن اورنا و بوکسک تحصیلہ صرف اولونان غیرتہر ، حاصلی اقتداری اولونان عائہ لہرک ، عمومی وخصوصی ادارہ لہرک آو وپادہ تحصیل ایچین صرف ایندکری ہمتلر اگر مملکتہ رسماً مسئل اولونان مقتدر علاقہ دارلہرک تعقیب و نظارت لہر آئندہ تمرکز ایتدیر۔ پلیرسہ آلاچمز ٹرہ لہرک چوق داہا زیادہ وکچیرہ جکمز انکشاف زماننک چوق داہا قیصا اولاجنی محققدر ۔ بومسائلک حکومتجہ و بوپوک ملت مجلسنجہ لایق اولدینی اہمیتلہ مطالعہ سی مستعجل بر مہریت کوسترمکدہ در ۔

عزیز آرقداشلرم ،

ہرشدن اول ہرانکشافک ایلک یاپی طاشی اولونان مسئلہ یہ تماس ایتمک ایسترم ۔ ہر واسطہ دن اول ، بوپوک تورک ملتہ ، اونک بوتون امکلرینی قیصیر یاپان جوراق یول خارچندہ قولای بر او قوما یازما آناختاری ویرمک لازمدر ۔ (آلقیشلر)

بوپوک تورک ملتی جہالتدن آز امکلہ قیصا یولدن آنجق کندی کوزل واصل دیلنہ قولای اوپان بویلہ بر واسطہ ایلہ صیریلایلیر ۔ بو او قوما یازما آناختاری آنجاق لاتین اساسندن آلینان تورک آلفاہہ سیندر ۔ (آلقیشلر) بسیط بر تجربہ ، لاتین اساسندن تورک حرفلرینک تورک دیلنہ نہ قدر او یغون اولدینغی ، شہردہ وکوبدہ یاشی ایلریلہ مش تورک اولادلرینک نہ قدر قولای او قوبوب یازدق لہرینی کونش کبی میدانہ چیقارمشدر ۔ بوپوک ملت مجلسنک قراریلہ ، تورک حرفلرینک قطعیت و قانونیت قازانماسی بو مملکتک بوکسلہ مجادلہ سندہ باشلی باشنہ بر کچید اولاجقدر ۔ ملتر عائہ سسنہ ، منور یتشمش بوپوک برملتک دہلی اولارق البتہ کیرہ جک اولونان تورکجہ یہ بویکی جانلیلی قازاندیراجق اولونان اوچنچی بوپوک ملت مجلسی ، یالکمز ابدی تورک تاریخندہ دکل بوتون انسانلق تاریخندہ ممتاز بر سیا اولاجقدر ۔ (آلقیشلر)

حی مجادلہ یہ کوستردیگکمز علاقہ و مملکتہ بوپولہ اللہ ابدیلن نتیجہ لہر بو مساعینک کیندیشہ تیلہ سنی لزوملو کوسترمکدہ در ۔ بو سسنہ عمومی حفظ الصبحہ قانونی لایحہ سنک بوپوک مجلسہ تقدیمی مقرردر ۔

عمومی صورتہ زراعتہ و مملکتک حیوان ٹروتندہ منفی تاثیراتہ قارشہ مدافہہ و مقاومت ٹمرہ لی تدبیرلہرک باشندہ در ۔ بر طرفدن مدافہہ ، دیگر طرفدن حیوان و نباتک جنسلرینی اصلاح ایچین جدی ، نباتلی تدبیرلہر ، استحصالکمز مقدارینی و نفاستنی آرتدیراجقدر ۔ مملکتہ صنایعہ رغبت و تمایل آرتقمدہ در ۔ صنایع و معادن بانقہ سنک قدرتی آرتدیردیگکمز خالدہ صنایع اربابی داہا زیادہ حمایہ کورہ جکلردر ۔ بو مسئلہ لہرک اہمیتلہ مطالعہ اولونان جفنہ شہہ یوقدر ۔

محترم افندیلر ،

معارفہ وضعیتمز و شیمدی یہ قدر صرف ایتدیگکمز غیرتہرک بوکونکی نتیجہ لہر بزی رادیقال تدبیرلر آلابیلہ جک برسویہ یہ کتیرمشدر ۔ ہر استقامتہ دوغرو ہدف لہر بولش اولونان معارفز خصوصی تقید و علاقہ کزلہ و ہمیزک جدی غیرتہریمزلہ آز زماندہ کیندیش نتیجہ لہر ویرمک نامزددر ۔ معارفہ سرعتلہ بوکسک برسویہ یہ چیقاجق برملتک حیات مجادلہ سندہ مادی ، معنوی بوتون قدرت لہرینک آرتاجنی محققدر ۔

معارف فعالیتمز ایلک تحصیلک فعلاً عمومی و مجبوری اولماسنک ، مملکتہ تربیہ برلککک ، اورتا تحصیلک اینی وسائلہ تکشیف و تسہیلنک ، مسلک تحصیلنک ایلک واورتہ درجہ سندن اک بوکسک درجہ سسنہ قدر مملکتہ تأمینہ ، بوکسک تحصیلک دہ عددہ اولدینی قدر قیمتدہ بو عصرک احتیاج لہرینہ کفایتنی ہدف طوتمشدر ۔ ہر سسنہ بو استقامت لردہ مہم مسافہ لہر آلدیغمز سویلہ یہ بیلیرز۔ افندیلر ، بوپوک تورک ملتک اولادلرینی بوکسک بر تربیہ و احتساس ایلہ یتشدیرمک ایچین صرف ایتدیکی غیرت و امکلر آز دکلدر ۔

افندیلر ،

تورك حرفلرينك قبوليله هممزه بو مملكتك بوتون وطنی سوهن يه تيشكين اولادلرينه مهم بر وظيفه توجه ایدیور . بو وظیفه ملتزمك كاملاً او قویوب یازمق ایچین کوستردیکی شوق وعشقه بالفعل خدمت و یاردیم ایتمکدر . هممزه خصوصی وعمومی حیياتمزه راست کلدیکمز او قویوب یازما ییلمه یین ارکک قادین هر وطنداشمزه اوکوره تمک ایچین تهالک کوسترملی بز . بو ملتک عصرلردنبری حل اولونمایان بر احتیاجی بر فاج سنه ایچنده تماماً تأمین

ایدلک ، یقین افنده کوزلریمزی قاماشدیران بر موقیت کونشیدر . (آلقیشلر) هیچ بر مظفریتک حظلریله قیاس قبول ایتمه یین بوه و فقیتهک هیجانی ایچنده بز . وطنداشلمیزی جهالندن قورتاراجق بر ساده معلملکک وجدانی حظی موجودیمیزی اشباع ایتمشدر . (آلقیشلر) عزیز آرقداشلم ،

یوکسک وابدی یادکاریکزله بویوک تورك ملتی یکی بر نور عالمنه کیره جکدر . (سوره کلی آلقیشلر)

قانونه

قانون نومروسی : 1353

ماده 1 — شیمدی یه قادر تورکجه یی یازمق ایچین قوللانیلان عرب حرفلری رینه لاتین اساسندن آلمان و مربوط جدولده شکللری کوستریلن حرفلر (تورك حرفلری) عنوان و حقوقی ایله قبول ایدلمشدر .

ماده 2 — بو قانونک نشری تاریخندن اعتباراً دولتک بوتون دائره و مؤسسهلرنده و بالجه شرکت ، جمعیت و خصوصی مؤسسهلرده تورك حرفلریله یازلمش اولان یازیلرک قبولی و معامله یه قونولسی مجبوریدر .

ماده 3 — دولت دائره لرینک هر برنده تورك حرفلرینک دولت معاملاته تطبیقی تاریخی 1929 کانون نایسنک برنجی کوتنی کچه مز . شو قدرکه اوراق تحقیقه و فداکله لرینک و اعلاملرک و مطبوع معاملات جدول و دفترلرینک 1929 حیزرانی ابتداسنه قدر اسکی اصولده یازلماسی جائزدر . ویربله جک طاپو قیدلری و سندلری و نفوس و اولنه جزدانلری و قیدلری و عسکری هویت و ترخیص جزدانلری 1929 حیزرانی ابتداسندن اعتباراً تورك حرفلریله یازیله جقدر .

ماده 4 — خلق طرفندن واقع مراجعتلردن اسکی عرب حرفلریله یازیلی اولانلرینک قبولی 1929 حیزرانیلک برنجی کونسه قدر جائزدر . 1928 سنه سی کانون اولنک ابتداسندن اعتباراً تورکجه خصوصی و یارسی ، لوحه تابه لا ، اعلان ، ره قلام و سینه ما یازیلری ایله کذلک تورکجه خصوصی ، رسمی بالجه موقوت ، غیر موقوت غزته ، رساله و مجموعه لرک تورك حرفلریله باصیلماسی و یازلماسی مجبوریدر .

ماده 5 — 1929 کانون نایسی ابتداسندن اعتباراً تورکجه باصیله جق کتابلرک تورك حرفلریله باصیلماسی مجبوریدر .

ماده 6 — رسمی و خصوصی بوتون ضبطلرده 1930 حیزرانی ابتداسنه قدر اسکی عرب حرفلرینک سنه نوغرافی مقامنده استعمالی جائزدر دولتک بوتون دائره و مؤسسهلرنده قوللانیلان کتاب ، قانون ، تعلیماتنامه دفتر ، جدول قید و سجل کی مطبوعه لرک 1930 حیزرانی ابتداسنه قدر قوللانیلماسی جائزدر .

ماده 7 — پاره و حصه سندلری و بونولر واسهام

جدول ، قاتالوغ ، نظامنامە وتعاپنامە كېي مطبوعە لرك
 1930 حزىرانى ابتداسنە قدر قوللانيلماسى جائزدر .
 مادە 9 — بوتون مکتابلرک تورکچە باپیلان تدریساتندە
 تورک حرفلری قوللانیلیر. اسکی حرفلرله مطبوع کتابلرله
 تدریسات اجراسى ممنوعدر .
 مادە 10 — بوقانون نشرى تاریخندن معتبردر .
 مادە 11 — بوفانونک احکامنى اجرايه اجراوکیللری
 هیئتی مأمورددر. 3-11-1928

وتحويلات وپول و سائر قيمتلى اوراق ايله حەرقى ماھیتی حائز
 بالجله اسکی وثیقلر دكشیدیرلە دكاری مدتجه معتبردرلر .
 مادە 8 — بالعموم بانقلر امتیاری و امتیاز سزشرکتلر
 جمعیتلر و مؤسسە لرك بوتون تورکچە معاملاتنە تورک
 حرفلری نك تطبیق 1929 کانون نایسنک برنجی کوننی
 کچە مز. شو قدرکه خلق طرفندن مذکور مؤسسە لره
 1929 حزیرانی ابتداسنە قدر اسکی عرب حرفلریله
 مراجعت واقع اولدیغی تقدیرده قبول اولنور. بو مؤسسە لرك
 اللرنده موجود اسکی عرب حرفلریله باصیلەش دفتر ،

- مربوط جدول -

مطبوعه حرفلری	بازی حرفلری	مطبوعه حرفلری	بازی حرفلری
کوچوک حرفلر بویوک حرفلر	کوچوک حرفلر بویوک حرفلر	کوچوک حرفلر بویوک حرفلر	کوچوک حرفلر بویوک حرفلر
A a	А а	F f	ƒ /
B b	В в	G g	Ɠ Ɠ
C c	С с	Ğ ğ	Ɠ ğ
Ç ç	С с	H h	ℋ ℋ
D d	Д д	i i	İ İ
E e	Е е	ı ı	İ İ

يازى حرفلىرى	مطبوعە حرفلىرى	يازى حرفلىرى	مطبوعە حرفلىرى	يازى حرفلىرى	مطبوعە حرفلىرى
كۈچۈك حرفلەر	كۈچۈك حرفلەر	كۈچۈك حرفلەر	كۈچۈك حرفلەر	كۈچۈك حرفلەر	كۈچۈك حرفلەر
يۈكۈك حرفلەر	يۈكۈك حرفلەر	يۈكۈك حرفلەر	يۈكۈك حرفلەر	يۈكۈك حرفلەر	يۈكۈك حرفلەر
J	j	J	j	R	r
K	k	K	k	S	s
L	l	L	l	Ş	ş
M	m	M	m	T	t
N	n	N	n	U	u
O	o	O	o	Ü	ü
Ö	ö	Ö	ö	V	v
P	p	P	p	Y	y
				Z	z

تعميم

اولمقده در . اخيراً باپلان بر تدقيق بونك مع التأسف
كىتكە آرتقمده اولديغى كوسترييور . قانچاقچىلق اخلاق
وقانونه مغاير بر حركت اولديغى كى ناموسلو تىجارلرك
ضهرىنى موجب اولديغى چەتلە اقتصاد آده مضر نتيجهلر

دائىمىدولتلىرى :

وكالت صوك زمانلرده مملكتك مختلف نقطه لرنده
پر چوق قانچاقچىلق وقمەلرى حادث اولديغندن خبردار

وبحرانر تولید ایدر. عینی زمانده واردات دولتی تناقصه وبالنتیجه قوای دولتی وهنه اوغرا تمده اولدیغندن وطن علمینهده ارتکاب ایدیلن بر اهانتدر .

بریده قاجاقچیلیق وقوع بولدینی، چوغالدینی و فاعلری طوتولادینی زمانه اول مأمورلریز وبالخاصه مأمورین انضباطیه منظر و تهمت آلتنده قالیور . بوکاده سبب قاجاقچیانک قتل و جرح کبی منفرد و شخصی اولماسندن و قاجاق اشیانک مملکته صوقولسی، صاقلا نسی، صاقلانسی، صاقلانسی مختلف الیه و شکلره محتاج بولماسنددر .

فی الحقیقه قاجاق اشیانک کتیره نی، صاقلایانی، صاقلان آلائی، سرمایه داری و صاقلانی بولمنسی ضروریدر . بر شهرده بر محیطه خصوصی قافلر حالنده یا پیلان قاجاقچیانک حسن ایدلمه سی و فاعلرینک مجهول قالمادی و یا خود فاعلرینک کیملر اولدینی و اوله بیله جکنک شبهه ایدلمه سی امکانی یوقدر . هر شهرک و هر کویک هر محیطک قاجاقچیلری اولنره یتاقلق ایدن اشرا سی هر کسجه معروفدر . بو کیلری مأمورلرده، اصنافده، خلقده بیلیر . بو قدر معلوم بر کیفیت قارشیننده اداره مأمورلر من و ضابطه نک لاقید قاله بیلمنسی اشرا کده کسه بحق اهل شبهه سی او یاندیریور .

بناء علیه بر یرده قاجاقچیلیق محسوس اولدینی زمان اول امرده بو کبی مظنه سو و مکرر لر حقنده تحقیقات و تعقیبات اجراسی لازمدر . بو تحقیقات و تعقیبات اهالی مأمورلر حقنده اشتراک و انتفاع شهه سی او یاندیرر . وکالت قاجاقچیانک منعیله مکلف اولان مأمورلرک بوقیل تهمت شائبه لری آلتنده قالماسنی قطعاً آرزو ایتدیکی کبی جمهوریت مأمورلرینکده بوکا تحمل ایتیه جکنه امیندر .

بنابراین : بو تخریراتک آلتدیغنی متعاقب مرکز ولایت، قضا و ناحیه و کویلرده قاجاقچیلیق ایدنلره اولنره یا تافلر ایدنلر و قاجاق اشیا آلوب صاقلانر ونه کبی مواد حقنده قاجاقچیلیق یا بیلدینی، زمرلردن ونه صورتله وهانکی واسطه لره کتیرلیدیکی ونه صورتله و کیملر واسطه سیله بازاره چیقارلادینی و نره لره سوق ایدلیدیکی تثبیت ایدلیدر .

قاجاقچیانک منبسی، واسطه سی و وجه استهلاکی بوسورتله تحدید اولندقدن سوکره قاجاقچیلر، و خصوصیه یا تافلری و واسطه لری متدباً تعقیب و ازعاج اولنمالی .

آلتنجی جلد قانونلر نکر درت یوز یتمش دو قوزنجی صحیفه سنده مندرج 22 حزیران 927 تاریخی و 1126 نومرولو (قاجاقچیانک منع و تعقیب حقنده کی قانون) بو باده احکام شدیدیه بی احتوا ایلکده و مأمورلری کافی صلاحیتلره تمهیز ایتکده در . از جمله اوچنجی ماده سیله اکاول هر محلاک اکبویوک ملکیه مأمورینی مکلف قیلیور . قانونک اون اوچنجی ماده سی ایسه (قاجاقچیلیق وقوعه بیله رک مسامحه ایدنلر و یا قاجاقچیانغه اشتراک ایدنلر منع و تعقیب وظیفه سیله قاجاقچیلیق فعللرینی و تشبیلرینی منع و تعقیب ایتک وظیفه سیله مکلف اولاندردن ایسه مأموریت و یا وظیفه لرلردن اخراج ایدلمکله برابر درجه مسامحه و اشتراک کوره ایکی سنه یه قدر تجزیه ایدیه جکنی) کوستریور . رؤسای مأمورین ملکیه نک بو صلاحیتلری جدیدته استعمال ایدره ک قاجاقچیانغه میدان و امکان بر اقاملرینی و حادث اولاجق اک کوچوک بر قاجاقچیلیق وقعه سنی شدتله تعقیب و متجاسرلرینی تجزیه ایتلرینی بر کره ده . خاطر لاتمق و قاجاقچیانغه و قاجاقچیلره نفس آلدیرمیه جق بر صورت متدیه و جدیدده تعقیب اولندیغنی تقدیرده قاجاقچیانک بوکونکی شکل و درجه سنه بر نهایت یریله بیله جکی قناعتنده اولدیغنی ده عرض ایتک ایسترم .

ولایتلره یازلمش، برای معلومات و کالتلره و باش وکالت جلیله یه عرض ایدلشددر .

اعلانلر

رسومات مدیریت عمومی مندرجه :

رسومات مدیریت عمومی سی لوازم و اوراق قلملری ایچون اعمال ایتدیریله جک اولان ایکی نه تاثرلی ماصه ایله سکر عدد دولاب علنی مناقصه اصولیه 14 تشرین نای

§ آقرہ واستانبول تلسزلی احتیاجی ایچون مناقصہ
 عنیہ صورتیہ مبايعه اولونه جق اونبیک آلتش کیلو مختلف
 النوع ماکنه یاغرینک 11 تشرین نائی 1928 تاریخنه
 مصادف بازار کونی ساعت اون درتده مناقصہ نی اجرا
 قلنه جفندن طالبلرک بوبابده کی شرطنامه بی کورمک ومألنه
 کسب اطلاع ایلک اوزره هرکون ومناقصه اشترک
 ایچونده یوزده یدی بحق نسبتده تأمیناتلری حامله
 یوم مذکورده معین اولان ساعته استانبولده یکی
 پوسته خانده لوازم مدیریته متشکل مبايعات قومیسونه
 مراجعتلری

1928 چارشانبا کونی احاله سی اجرا قلنمق اوزره منا.
 قصیه قولی در . شرطنامه رسم، وکشفنامه سنی کورمک
 ایستیلرک هرکون لوازم مدیریته مراجعتلری ومناقصه بی
 اشترک ایده جک طالبینک تأمینات موقته لرلیه برلکده یوم
 احالده مدیریت عمومیہ مبايعات قومیسونه یوننده حاضر
 بولمتری اعلان اولتور .

بوسه وتلفراف لوازم ومبايعات مریب بقنده :

مبايعه سنه لزوم حاصل اولان اللی بیک مترو لاستیکلی
 تل قبالی طرف اصولیله مناقصه بی وضع ایدلش در 18
 کانون اول 1928 تاریخنه مصادف صالی کونی احاله سی
 اجرا قلنه جفندن طالبلرک شرطنامه آلتق اوزره شیمیدین
 وشرطنامه نک ایکنجی واوچنجی ماده لرنده کی تعریفات
 داخلمده احضار اولنه جق تکلیفنامه وتأمیناتلری محتوی
 قبالی ومهور ظرفلری تودیع ایچونده تاریخ مذکورده
 وساعت اون درت بچقده استانبولده یکی پوسته خانده
 مبايعات قومیسونه مراجعتلری .

آقره نافعہ صو ایشلری مریب بقنده :

1 — 10434 لیرا 11 غروش بدل کشفی اولان
 صاری اوبه اوواسنک اسقاسنه مخصوص قاپاقلی بنداشا آتی
 23 تشرین اول 1928 تاریخندن اعتباراً بازارلق صورتیله
 مناقصه بی وضع ایدلک اوزره اون کون مدتلہ تمدید ایدلشدر .
 2 — متعهد اول امرده 782 لیرا تأمینات آچقہ سی
 ویا حکومت بانقہ سیلہ سرمایه سی ملی اولان بانقہ لردن
 برینک کفالت مکتوبی ارائہ بی مجبوردر .

§ آقرہ واستانبول تلسزلی احتیاجی ایچون
 ایکویز یکرمی بش بیک کیلو غازوئیل قبالی ظرف
 اصولیله مناقصه بی وضع اولونمشدر . مناقصه 12 تشرین
 نائی 1928 تاریخنه مصادف بازار ایتسی کونی ساعت
 اون درتده اجرا قلنه جفندن طالبلرک بوبابده کی شرطنامه بی
 کورمک ومألنه کسب اطلاع ایلک اوزره هرکون
 ومناقصه بی اشترک ایچونده شرطنامه نک بر وایکنجی
 ماده لری دائرہ سنده احضار ایلیه جکلری قبالی ومهور
 ظرفلری یوم مذکورده معین اولان ساعته قدر استانبولده
 لوازم مدیریته متشکل مبايعات قومیسونی ریاسته
 تودیع ایتلری اعلان اولتور .

دوقوزنجی سیار زاندارما آلابی قوماندانلر قنده :

بدلی درحال تسویه ایدلک اوزره [71071] کیلو
 30 تشرین نائی 928 تاریخنده [71071] کیلوسی ده
 30 کانون اول 928 تاریخنده تسلیم اولنلق اوزره دوقوزنجی
 سیار زاندارمه آلابی میری حیواناتنک اعاشه سنه مقتضی
 [142142] کیلو آرپانک یکرمی بش کون مدتلہ

عثمانه ابی قضاہی بامیہ رہاقتندہ :

قصبهك قباچہ موقعدنن جاب و پروژہ موجبہجہ
محلانہ توزیع ایدیلہجك صویك سوزكچكری و بالعموم
تھرعاتی بلدیہ دن ویرلك اوزرہ تصفیہ حاووضی و سائر
بالعموم اعمالات صنایعہ سنك انشاسی 12 تشرین ثانی
1928 نجی بازار ا تسی كونی ساعت 16 ده احاله
ایدلك اوزرہ دائرہ ده محفوظ و كشفامه و شرائط خصوصیه
موجبہ علنی صورتده متاقصیه قونیدلیغندن طالب
اولانرك بلدیہ مزہ مراجعتلری اعلان اولنور .

آرانوس اصیہ حكیمہ سندرہ :

ككزین قریبه سندن صورنه اوغلی عزت افندی وکیل
عمومیسی احمدیشار افندیك استانبول سر كهجی بحرسفید
اوتلنده مستخدم ككزینلی مولود اوغلی مصطفی افندی
علینہ اقامہ ایلدیكی اوچیوزلیرانك لزوم تحصیل دعواسندن
دولایی مدعی علیه نامنه املا قلنان دعوتیه ظہیرینہ مباشر
طرفندن ویریلان مشروحانده محل اقامتلك مجهول اولدیگی
شرح و تصدیق قلمش اولمعه کیفیتك اعلاناً تبلیغات
اجراسنه قرار کیر اولمقله یوم محاکمه اولان 13 تشرین
ثانی 1928 تاریخنده مدعی علیه اثبات وجود ایتدیگی
تقدیرده غیاباً محاکمه اجراسنه دوام اولهجی اعلان
اولنور .

آنقره بنجی محقری حكیمہ سندرہ :

آقره نك آخی طوراً محلہ سندنه اصلاً اسکدارلی
مرانقوز محی الدین افندی طرفنه : زوجه کز نجمیه خانم
طرفندن عاپه کزہ اقامه اولدان بوشانمه دعواسلك اجرا
قلنان تحقیقاتی و محاکمه سی نتیجه سنده زوجه کز نجمیه
خانمك بوش اولماسنه بر سسنه مدتلہ سنك اولانمه مکه
و كوچوك نباہتك نجمیه خانمك ولایتی آلتنده قالماسنه

اون بسكز تشرین ثانی 1928 بازار كونی ساعت
15 ده احاله ایدلك اوزرہ قپالی ظرف اصولیه مناقصیه
وضع اولونمشدز . یوم مذکورده دیاربكرده دوقونجی
سیار ژاندارما آلائی قوماندانق دائرہ سنده احاله سی احرا
قانه جندن طالبلك شرائطی آكلامق اوزرہ استانبولده
ژاندارما اعمالخانہ مدیرینته ، دیاربكرده مذکور آلائی
قوماندانق دائرہ سنده کی قومایسیونه مراجعتله یوم مذکورده
یوزده یدی بچق غروش تأمینات مکتوبیلہ آربا نمونہ سی
کتیرهك اوزرہ مناقصیه اشتراکاری اعلان اولنور .

شرطامه

- 1 — آریا اوصاف طبعیه یه مالك و دواغون بولونمسی
مشروطدر .
- 2 — واداجنبیه سی یوزده ایکی بی تجاوزایتمه یه جکدر .
بوندن فضله یعنی بشه قدر اولورایسه معهد طرفندن
آندیریلهرك قونطوراتو شرائطی تطبیق ایدیله جکدر .
- 3 — دها فضله مواد اجنبیه سی کورولنلر درحال
معهده رد واعاده اولونه جقدر . راطب، قیزمش اولیه جق،
کوف قوقوسندن رایجہ کریمه دن آزاده بولنه جقدر .
آریانك یکی سنه محصولی اولماسی مرجقدر .
[طاش، طوبراق، فیک، قره موق، دلجه ، داری
مواد اجنبیه دن معدوددر]
- 4 — بیت و بیت یه نیکللی اولیه جقدر .
- 5 — لیره سی قرق اوچدن دون اولیه جقدر .
- 6 — ایلک دفعه تسلیم ایدیلان 71071 کیلو
آریانك بدلی تسایمنی متعاقب درحال تسویه ایدیله جکدر
30 کانون اول 928 ده تسایم ایدیلان مقدارنده تسلیمنی
متعاقب اثمائی درحال تسویه ایدیله جکدر .
- 7 — دیگر شرائط خصوصیه تاریخ حاله دن صکره
بایله جق مقاوله نامه یه درج ایدیله جکدر .

افامه ایلدکاری دعوانک اجرا قلمقدمه اولان محاکمه لرنده مدعی علیله دن نسیبه ، نشیده و خدیجه خانم ناملرینه ارسال قلمنن دعوتیه لرك اقامتگاهلرینک مجهول اولدینی شرحیله یلاتبلیغ اعاده ایدلسی اوزرینه اعلاناً تبلیغات اجراسنه قرار ویریلهرک محاکمه 10 آفرین ثانی 1928 تاریخیه مصادف جمعه ایرتسی کونی ساعت اون درده تعلیق قلمنش اولدیفندن یوم و وقت مذکورده بالذات کلدکاری و یاخود مصدق بروکیل کوندردمکاری تقدیرده غیباً معامله اولنه چی اعلان اولنور .

و کوجوک نباهتک تربیه و اتفاق مصرفی اولمق اوزره تقدیر ایدیلن شهری اون ایرانک سنک طرفکدن نجمیه خانم ویرلسنه و مصارف محاکمه نك عهده کزه تحمیلنه قابل تمیز اولمق اوزره 16 ایلول 928 تاریخنده غیباً قرار ویرلدیکندن اشبو اعلانک نشری تاریخنک فرداسندن اعتباراً بر آی ظرفنده تمیز دعوی ایتهدیککز تقدیرده حکمک کسب قطعیت ایده چی اعلان و تبلیغ اولنور .

آقره برنجی مقرون حکمده سی بارت قسمنده :

داین تورکیه ایش یا نقه سی وکیلی آوقات اکرم بک طرفندن طیاره و موطور تورک آنونیم شرکتی ذمتنده کی مؤکلی دائرنک مطلوبندن دولایی افلاس طلبنه دائر اقامه ایدیلن دعوانک اجرا قلمنن محاکمه سنده مدیون شرکتک حال معجزی تحققی ایتدیکندن 27 آفرین اول 1928 تاریخندن اعتباراً موقه اعلان افلاسنه و اموالنک تمهیر و تثبیتنه و افلاس معاملاتنک تدویری ایچون محکمه اعضاسندن علی رضا نکک ژورژ قومیسر و آقره آوقاد تلرندن ابراهیم رؤف و جزمی بکلرک موقت سنندیک تعینلرینه قرار ویرلمش اولدیفندن مفلس شرکت ذمتنده مطلوبی اولان ذوانک تاریخ اعلاندن اعتباراً اون بش کون ظرفنده محکمه افلاس او طه سنه بالمراجعه مطلوبلرینی قید ایتدیرملری و 12 آفرین ثانی بازار ایرتسی کونی ساعت طقوز بچقده دائمی سنندیک تعینی ایچون محکمه افلاس او طه سنده اثبات وجود ایللری لزومی اعلان اولنور .

آقره اصرار ریاستنده :

علی افندی یه مدیون و ایپوتنک اولوب فروختی تقرر ایدن غزلیجی اوغلی حاجی محمد بن علی افندینک آقره نك صمان یازارنده قویون پاراری محله سنده جانب یمینی تنکجه ای اوغلی احمد و یساری عبدالقادر آرقه سی سعید افندی دکانلری و جبهه سی طریق ایله محبود علی-التخمین اوتوز آرشوندن عبارت 51 رقم ابوابی و دروندنه بلاقونظورات مخدومی منیر بکک ماهیه اللی ایرا بدل ایجاره مستأجر بولوندینی اخشاب دکان مزایده یه وضع ایدیلهرک مزایده مدتک ختامنده مراجعت وقوعه و لماسنه مبنی تاریخ اعلاندن بالاعتبار اون بش کون مدتله تکرار موقع مزایده یه وضع ایدیلکله طالب اولانلرک قیمت مخمنه سی اولان بش بیک لیرانک یوزده اونی نسبتنده بی آچه سیله شهر اماتی منادیسنه و فضله معلومات آلمق آرزوسنده بولنانلرک ده آقره اجرا ریاستنه 928-5285 دوسیه نومروسی مستصحباً مراجعتلری اعلان اولنور .

آقره برنجی صلح مقرون حکمده سی :

صابونی محله سنده ناجیه و عدویه خانم لرك محله مذکورده کائن برباب خانه ایله تحته قلعده برباب دکان زطاش کوپری موقعنده کائن باغچه ده کی شیوعک ازاله سننه دائر مدعی علیله صابونی محله سنده عمر بک کریم لری نسیبه و نشیده و خدیجه خانم لره دیکر ورثه علیله پرینه

سکود اصلیه حکمده سی :

حصار جق قریه سنندن احمد کهیانک علی زوجه سی فاطمه نك قوالجه موقعنده شرقاً چاوش علی غرباً طریق شمالاً حیظه علی جنوباً خلیل ابراهیم ایله محدود درت

اوتوز طقوزنجی مادهسی موجبنجه مزبورہ حوا نامنه
تسجیل معاملہسی اجرا قلنہ جفندن مدعاہہ محلارہ برکونا
ادعاہہ بولنانلرک یوم محاکمہسی اولان 15 تشرین ثانی 1928
نچشنبہ کونندن مقدم سکود حقوق محکمہسنہ مراجعتلری
اعلان اولنور .

§ این اوکی جامع محلہسندن محمد علی والدہسی سلیم
آغالرک زینیک محلہ مذکورہ دن فرهاد اوستہ قیزی کاشوم
علینہہ اقامہ ایلهدیکی میراث دعواسندن دولایی جریان
ایدن محاکمہسنده مزبورہ کاشومک برادری نوری
اوچیوز یکریمی طقوز سنہسنده عسکرہ کیده رک الیوم
حیات و ماتندن معلومات اولدیفندن قانون مدینیک
اوتوز ایکنجی مادهسی موجبنجه موسی الیه نورینیک
محل اقامتی حقنده موثوق معلوماتی اولان کسانک بر
سنہ ظرفنده هر معلوماتلرندن سکود محکمہسنی خبردار
ایللری عکس تقدیرده قانون مذکورک اوتوز بر واوتوز
دردننجی مادهلری موجبنجه موسی الیه نورینیک غائبکنده
حکم و قرار ویریله جکی اعلان اولنور .

§ این اوکی ناحیه سنک قندیللی قریهسندن دولک
خلیل اوغلی حسنینک قره علی قپوسی موقعنده شرقاً حاجی
دار علی اوغلی مصطفی غرباً ملا ابراهیم شمالاً یول جنوباً
اوکیلی پهلوان اوغلی محمد تارلریله محدوداون بش دونم تارلا
طاپوسندی اولدیفنی جهتله عهدهسنہ تسجیلی طلبنده بولندیف
محل مدعاہک قانون مدینیک آلتیوز اوتوز طقوزنجی
مادهسی موجبنجه موسی الیه حسنی نامنه تسجیل معاملہ
اجرا قلنہ جفندن مدعاہہ تارلایه برکونا ادعاہہ بولنانلر
یوم محاکمہ اولان 14 تشرین ثانی 928 حارشانباکونده
مقدم سکود حقوق محکمہسنہ مراجعتلری اعلان اولنور

دونم عیسی بوکونده علی افندی واحد چاوش ویاپر
ویول ایله محدود درت وینه موقع مذکورده علی افندی
ویول قباقلی وطاق ایله محدود ایکی دونم وقره تپهباشنده
کورن عمر واورمان وحاجی افندی ایله محدود اوچ دونم
وتریاکی پیکاری موقعنده احمد چاوش ومنلا مصطفی
واورمان و ابراهیم ایله محدود درت دونم وقزیل بورده
طریق وحاجی دومنلی واورمان واورتجهلی ایله محدود
اوچ دونم ترلارینیک طاپوسندی اولدیفنی جهتله عهدهسنہ
تسجیلی طلبنده بولندیفندن محل مدعاہک قانون مدینیک
آلتیوز اوتوز طقوزنجی مادهسی موجبنجه مزبورہ فاطمه
نامنه تسجیل معاملہسی اجرا قلنہ جفندن مدعاہہ ترلارہ
برکونا ادعاہہ بولنانلرک یوم محاکمہ اولان 26 تشرین
ثانی 1928 بازار ایتسی کونندن مقدم سکود حقوق
محکمہسنہ مراجعتلری اعلان اولور .

سکود اصیبه محکمہسنده :

§ اسنه مز قریهسندن چاقر اوغلی علی عثمان قیزی
ومصطفی قاریسی حوانک کوی آلتنده شرقاً خرمن
یری شمالاً عبداہ غرباً حاجی علی جنوباً نعمان ایله
محدود درت دونم وقباقلی موقعنده قوجه علی واسماعیل
ویول وعبداہ ایله محدود یدی دونم وطوزلی قیرده یول
وبانی وخلیل وبربرلرک خلیل ایله محدود یدی دونم
وقوجه چایرده حاجی عثمانک عمر وبربر خلیل وعبداہ
وتحسین ایله محدود یدی وکوی آلتنده شرقاً یول شمالاً
علی غرباً احمد خواجه جنوباً علی منلا ایله محدود اوچ
دونم وکوتاهیه یولی . موقعنده شرقاً احمد اونباشی شمالاً
قیراج غرباً نافذ جنوباً ینه نافذ ایله محدود بش دونم
ترلا ایله قباقلی آلتنده یول ونافذ وحسین اوغلی محمد
ایله محدود درت دونم چایر وقریهده جانب یمنی و جبهه
وآرقهسی یول، یساری علی عثمان اوغلی سلیمان ایله محدود
ایکبوز زراع خانہ نک طاپوسندی اولدیفنی وعهدهسنہ تسجیلی
رطلبنده بولندیفندن مدعاہہ محلارک قانون مدینیک آلتیوز

بزرگه اصلیه مفوقه حکومه سننده:

§ چرکشک بورطان کویندن طیرمقچی اوغلی رمزی زوجه سی امینه طرفندن رمزی علینه اقامه ایدیلن غائبک دعواسی نتیجه سنده مدعیه امینه زوجی رمزینک سفر برك بدایتلرنده سلاح آلتنه آلنه رق اون سنه بی متجاوز حیات و ماتندن بر خبر آلتنه مایه رق غائب اولدیفنی شهود شخصیه ایله اثبات ایده چکندن غائبکنه قرار اعطاسنی طلب ایله مسمی و عسکرک شعبه سی ریاستنک درکنارنده بیروت نفاختخانه سنه کیدرکن 28 حزیران 334 تاریخده فرار ایتدیکی بیان قلمسی و سفر بركده عسکره کیدریکی و شیمدی به قدر اولوسندن و دیریسندن بر معلومات آلتنه مادیفنی شاهدلرک شهاداتی ایله ثابت اولسی و غزته ایله اعلاناً معلوم اتار اولان کیمسه لر دعوت ایدلمش ایسه ده بر کونا مراجعت و قوعبول مامسی حسیدیه رمزینک غائبکنه و غائبک قرارینک اولوم سجالنه قیدی ایچون نفوسه مذکره یاریلسنه و قانون مدینک بشیوز یکریمی آتی و بشیوز یکریمی طقوزنجی ماده لری موجبنه معامله لارمه ایفاسنه قرار ویرلمش اولدیفندن تبلیغ مقامنه قائم اولق اوزره اعلان اولنور .

اون بیک لیرا قیمتنی حاوی بش بوز اللی بیک طون کور موجود و خارجی تأسیساتنک قیمت مخمنه سی دخی اون اوچ بیک درتیوز یتمش لیرا اولوب هیئت مجموعه سی یوز یکریمی اوچ بیک درتیوز یتمش لیرا قیمت مخمنه سنده بولونمقده در . اشبو اوجاقی کرک اوکوشنه ساحلنه و کرک قوزلو دره سنه ایکی جهتن وارده کله دمیریولی خطلرینه مالک اولوب اوکوشنه قسمی ساحلنده مع حرمان تحمیل اولوغنی واسکی بر باسکولی و 2390 مترو طولنده ده قویول خطی و وارده کله بی و محتاج تعمیر کار کیر یاز یخانه بی و خراب بر عمه قلبه سنی و قوزلو جهتی اولان قلنج موقعنده ایسه محتاج تعمیر بر عدد چاوش و عمه قلبه لرینی و یاز یخانه انباری و بر عدد کار کیر عمه قلبه سنی و 1790 مترو طولنده وارده کله و ده قویول خطلرینی و قوزلو دره سی اوزرنده بویوک کوپروبی مشتمل بولونمقده در . اشترا به طالب اولانلرک قیمت مخمنه سنک یوزده اونی نسبتنده کی میلی ده بو ایتمک شرطیله منادی یدنده کی مزاد قائمه سنه بی ویرملری و دها زیاده معلومات آلق و مذکور اوجاغک خریطه سنی کومک ایستیانلرک زونفولداق اجرا دائره سنه مراجعت ایللری اعلان اولنور .

زونفولداق اصرار دائره سننده :

بر دینک تأمین استیفاسی ضمننده زونفولداغک قوزلوده کائن 383 نومرولو کور اوجاغک بللرایده فروخته قرار ویرلمش اولدیفندن بر موجب قرار 30 تشرین اول 1928 تاریخندن اعتباراً اوتوز کون ختامنده احاله اولیه سنک و اون بش کون سوکره احاله قطعیه سنک اجراسی مقرر در . مذکور اوجاق اوکوشنه و قلنج طمارلری نامیله ایکی طماردن متشکل و قانیچ طماری جیوه لاک و عمر آغا طمارلرینی دخی محتوی اولوب اشبو طمارلر شرقتن غربه دوغر و ایشلمکده اولدیفنی و اوکوشنه و قلنج طمارلرنده سطح بگردن - 100 راقنه قدر یوز

بزرگه اصلیه برنجی مفوقه ریاستنده :

بروسه ده طحله و اونچی فهیم افندی طرفندن خدا وندکار محله سنندن خلیل پهوانک خانه سننده مقیم انور افندی علینه اقامه اولنان فک حجز دعواسندن دولابی لاجل . المحاکمه مومی ایله نامه یازیلان دعوتیه نک اقامتکاهی مجهول اولسنه و مسبوق طلبه بناءً اعلاناً تبلیغات اجراسنه و امر محاکمه نک 17 تشرین ثانی 1928 تاریخنه مصادف جمعه . ایرتسی کونی ساعت اونه تعلیقنه قرار ویرلمش اولدیفندن مومی ایله انور افندی بالذات اثبات وجود ایتدیکی ویا طرفندن مصدق بر وکیل کوندرمدیکی تقدیرده غیباً محاکمه سنه دوام و انتاج اولمجهنی اعلان اولنور .

§ کونانہ اصلیہ محکمہ سمنده :

کونانک آخه علی محله سندن احمد قیزی عایشه ایله بروسه نك سلیم زاده محله سندن احمد اوغلی محمود بینلرنده کی فسخ نکاح دعوا سنك جاری محاکمه سنده اقامتکاهی مجهول اولدینی آکلاشیلان مدعی علیده محمودك محاکمه نك معلق بولدینی 26 کانون اول 928 چهارشنبه کونی ساعت اولده کونان حقوق محکمہ سنده حاضر بولنسی اعلان اولنور .

§ پاسیندر ها ملکینده :

حسن قلعه قصبه سنك سیواس محله سندن حسن بك زاده محمد بكک پاسیندر محکمہ سنك اصایه قسمنده اقامه ایتدیکی دعواده اوکوس قریه سنده شرقاً حرق غرباً بیکناز خانم شمالاً صانصور یولی جنوباً میادین یوایله محدود 19 دونمك برقطعه ترلانك طاپوجه مقید اولدینی و 1288 تاریخندن برواباعن جدبلازاع متصرف بولدینی بیانیله نامته تسجیلی طلب ایدلمش اولدیفندن اجرا قلمان محاکمه ده مذکور ترلانك تسجیله مانع برحالی ودیگر علاقہ داری اولوب اولدیفنك اعلاننه قرار وریله رك یوم محاکمه 8 کانون اول 1928 جمعه ایرتسی کونته تعلیق قلمش اولدیفندن بروجب قرار کیفیت اعلان اولنور .

§ پاسینلرک تنزیله قریه لی عبدالرحمن قیزی لیلا طرفندن ویریلن استدعاده زوجی قصبلی اولوب الآن اقامتکاهی مجهول بولنان بابا افندی زاده محمد بن یوسف اون سنه دنبری کندیسندن ایرلمش اولوب اولیلکک تحمیل ایتدیکی وظیفه یی ایفا ایتدیکندن نرذینه عودتی ایچون اعلاناً احطارات اجراسنی طاب ایتمه سنه مبنی قانون مدینک 132 نجی ماده سی موجبنه برماه طرفنده خانه سنه دونسی عکسی تقدیرده حقتنده معامله قانونیه نك اجرا اولنه جنی اعلان اولنور .

§ بروسه نك مناعرب محله سندن احمد اوغلی قهرمان قالفه نك بروسه نك مقسم محله سندن دکرمنجی عمر اوغلی محمود افندی علینه اقامه ایلدیکی کاتب عدلدن مصدق مقاله نامه موجبنه کیره ج اعمالی صورتیله حقتنده عقد و تعاطی ایدیلن مقاله نامه احکامنه مخالفتده بولن دیفندن بروجب مقاله نامه بشیوز لیرا تضمینات ایله متباقی اوتوز طقوز بیک قیه کیره جک تسلیمی و عقدك فسخی دعوا سنده مدعی علیه محمود افندی نامنه تسطیر و برای تبلیغ ژاندارمه یه ویریلن دعوتیه نك مومی الیهک اقامتکاهی مجهول اولدینی بیانیله بلاتیلیغ اعاده قیلنمش اولسنه و مسبوق طلبنه بناء اعلاناً تبلیغات اجراسنه امر محاکمه 12 تشرین ثانی 1928 تاریخنه مصادف بازار ایرتسی کونی ساعت اون برده اجراسنه قرار ویرلمش اولدیفندن مدعی علیهک یوم معینده بالذات حاضر بولم دینی ویا طرفندن مصدق بروکیل کونده ریله دیکی حالده غیاباً محاکمه یه دوام اولنه جنی اعلان اولنور .

§ چناق قلعه اصلیه محکمہ سمنده :

چناق قلعه نك آرسلانجه محله سندن قوشجی ابراهیم زوجہ سی متوفیه امینه مخدومی حسین ایله موسوی محله سندن متوفی مناهم پسو اوغلی رفائل ورنه سندن زوجہ سی ماری قیزلری پرله وسارا واستر بینلرنده متکون منع مداخله ورهن فکی دعوا سنك چناق قلعه محکمہ اصلیه سی حقوق قسمنده اجرا قلمان تحقیقائنده مدعی علیهم ماری و پرله وسارا ایله استرک آمر بقاده بولملری و اقامتکاهلری مجهول بولنسی حسدیله تبلیغات ایفا قلنه مدینی مباشرک مشرو - حاتندن آکلاشیلمقله حقوق اصول محاکمه لری قانوننك یوز قرق برنجی ماده سی موجبنه اعلاناً تبلیغات ایفاسی قرار کیر اولمش و بوبابده کی دعوتیه ورقه لری محکمہ دیوا - نخانه سنه و تحقیقاتی ده 30 کانون اول 1928 بازار کونی ساعت اون درده تعلیق قلمش اولقله تبلیغات مقامنه قائم اولق اوزره اعلان اولنور .

بابررد حقورہ ما کلکندہ :

بابرردک تاخت قریہ سندنہ واقع و طرفلری شرفاً یول غرباً اوچور اوغلی حسن مخدومی سلیمان ترلاسی شمالاً یول جنوباً احمد اغا چاری و نهر جاری ایلہ محدود اون بر دوئی حاوی بر قطعہ تارلا فاصلہ سز و زاعسز قرق یدی سنہ دبرو عہدہ تملک و تصرفندہ بولونان و فانون مدینک ۶۳۹ نجی مادہ سی موجبہ نامنہ تسجیلی خصوصندہ قریہ مذکورہ دن اسماعیل اوغلی طاہر و کیلی عمر لطفی افندی طرفندن طلب و استندا ایدلمکدہ اولدیغندن بوبایدہ برکونا حق ادعا ایدنلرک و یا خود دیگر برکونا حق ادعا ایدنلرک تاریخ اعلاندن اعتباراً بر آی ظرفندہ بابررد حقوق حاکمکنہ مراجعت ایللری عکس تقدیردہ مراجعتلری نظر اعتبارہ آلمایه جنی اعلان اولنور .

§ بابرردک زار کیدی قریہ سنک قدرہ لق موقعندہ اون دوئم مقدارندہ شرفاً حرق غرباً صولاق اوغلی مصطفی ترلاسی شمالاً کود کونہ لی یوسف ترلاسی جنوباً صولاق اوغلی محمد ترلاسیلہ محدود شہریولی نامیلہ معروف بر قطعہ ترلا فاصلہ سز و زاعسز اباء عن جد آلمش سنہ - دبرو عہدہ تملک و تصرفندہ بولندیغندن قانون مدینک ۶۳۹ نجی مادہ سی موجبہ نامنہ تسجیلی خصوصی زار کیدی قریہ سندن صاغر اوغلارندن اسماعیل اوغلی شا کر طرفندن طلب و استندا ایدلمکدہ اولدیغندن بوبایدہ ادعا تصرفندہ بولنلرک و یا خود دیگر برکونا حق ادعا ایدنلرک تاریخ اعلاندن اعتباراً بر آی ظرفندہ بابررد حقوق حاکمکنہ مراجعت ایللری عکس تقدیردہ مراجعتلری نظر اعتبارہ آلمایه جنی اعلان اولنور .

شرفاً نهر جاری غرباً کندی ترلاسی جنوباً یول شمالاً اسماعیل ترلاسیلہ محدود ایکی دو تملک بر قطعہ ترلا قرق سنہ دبرو عہدہ تملک و تصرفندہ بولندیغندن قانون مدینک آلتی یوز او توز طقوزنجی مادہ سی موجبہ نامنہ تسجیلی خصوصی سفکر قریہ سندن اسماعیل اوغلی خلیل طرفندن طلب و استندا ایدلمکدہ اولدیغندن بوبایدہ ادعا تصرفندہ بولنلرک و یا خود دیگر برکونا حق ادعا ایدنلرک تاریخ اعلاندن اعتباراً بر آی ظرفندہ بابررد حقوق حاکمکنہ مراجعت ایللری عکس تقدیردہ مراجعتلری نظر اعتبارہ آلمایه جنی اعلان اولنور .

§ بابرردک زاهد محلہ سنک بفتحہلر باشنک طاش کوپری جوارندہ واقع و طرفلری شرفاً حرق غرباً چوروخ نهری شمالاً یا قولی احمد باغچہ سی جنوباً مفرز حمدی بفتحہ سیلہ محدود بر قطعہ بفتحہ فاصلہ سز و زاعسز اباء عن جد الی سنہ دبرو عہدہ تملک و تصرفندہ بولندیغندن قانون مدینک ۶۳۹ نجی مادہ سی موجبہ ناملرینہ تسجیلی خصوصی زاهد محلہ سندن خزلجی اوغلارندن محرم حافظ اوغلی اسحق و برادری محمد طرفلرندن طلب و استندا ایدلمکدہ اولدیغندن بوبایدہ ادعا تصرفندہ بولنلرک و یا خود دیگر برکونا حق ادعا ایدنلرک تاریخ اعلاندن اعتباراً بر آی ظرفندہ بابررد حقوق حاکمکنہ مراجعت ایللری عکس تقدیردہ مراجعتلری نظر اعتبارہ آلمایه جنی اعلان اولنور .

سیررک اجرا مامور افغندہ :

حاجی حافظ مصطفی اوغلی عمرہ معدنی یوز لیرا مدیون بولندیغنی ذمتی تأدیہ ایتیمان بریت زاده عبدالوہاب افندیکن مرهون اولوب فروختی قرار کیر اولان کبیر قوجاق قریہ سندنہ کائن درت قطعہ صوسز تارلانک نصفی

بابرردک سفکر قریہ سنک کوکک . ورقندہ کائن

پشینا ویرمک رسوم دلایله و مصارف ساثره سی مشتری به عاډ اولق عقب احاله دن نهایت بش کون طرفنده بدل احاله یی دفعه و تماماً تأدیه ایتمک شرطیله طالب اولانلر منادی امین افندیه ویا سیوره رک اجرا دائره سنه مراجعت ایلملری لزومی اعلان النور .

§ حاجی حسن افندی زاده محمد افندیك معدنی یوز اللی لیرا آلاجغی تأدیه ایتمیان بلوکباشی قریه سندن محمد یزار اوغلی یشار ایله عدول اوغلی بکونک مرهون اولوب فروختی قرار کیر اولان قریه مذکوره ده کائن اون سکر قطعه صوسز نارلانک طقسان آلی سهم اعتباریله اون ایکی حصه سی تاریخ اعلان دن اعتباراً برماه ختامنده احاله موقته سی یوزده بش ضم ایله اون بش کون صکره احاله قطعی سی کشیده ایدمک اوزره موقع مزایده به چیقارلمش یوزده اون نسبتنده پی آچھسنی پشینا ویرمک، رسوم دلایله و مصارف ساثره مشتریسنه عاډ اولق و عقیب احاله دن نهایت بش کون طرفنده بدل احاله یی دفعه تأدیه ایتمک شرطیله طالب اولانلر سیورک اجرا دائره سیله منادی امین افندی به مراجعت ایلملری لزومی اعلان اولنور .

§ سیوره رک بلدی به صندیغنه مدیون بولندیغی ازغیر گذشته بیك کسور لیرای تأدیه ایتمیان یریت زاده عبدالوهاب وسائر نک محجوز اولوب فروختی قرار کیر اولان چیفتلک قریه سنده اون ویوقاری صالحه قریه سنده آلی قطعه صوسز اراضیلرک تاریخ اعلان دن اعتباراً برماه ختامنده احاله موقته سی یوزده بش ضم ایله اون بش کون صکره احاله قطعی سی کشیده ایدمک اوزره موقع مزایده به چیقارلمشدر یوزده اون نسبتنده پی آچھسنی پشینا ویرمک رسوم دلایله و مصارف ساثره مشتری به عاډ اولق عقب احاله دن نهایت بش کون طرفنده بدل احاله یی دفعه و تماماً تأدیه ایتمک شرطیله طالب اولانلرک منادی امین افندی ایله سیوره رک اجرا دائره سنه مراجعت ایلملری لزومی اعلان اولنور .

یوز یکر می سکر حصه اعتباریله قرق سکر حصه سی تاریخ اعلان دن اعتباراً برماه طرفنده احاله موقته سی یوزده بش ضم ایله اون بش کون صکره احاله قطعی سی کشیده ایدمک اوزره موقع مزایده به چیقارلمش اولقله یوزده اون نسبتنده پی آچھسنی پشینا ویرمک رسوم دلایله و مصارف ساثره مشتری به عاډ اولق عقب احاله دن نهایت بش کون طرفنده بدل احاله یی دفعه تأدیه ایتمک شرطیله طالب اولانلر منادی امین افندیله سیوره رک اجرا دائره سنه مراجعت ایلملری لزومی اعلان اولنور .

§ سیوره رک بلدی به صندیغنه مدیون بولندیغی ازغیر گذشته درتیوز آلتش ایکی لیرای تأدیه ایتمیان کولای بیك محله سندن شیخ جمعه اوغلی رمضانک اولوب مرهون و فروختی قرار کیر اولان قنطره قریه سنده کائن صوسز نارلانک تمامی تاریخ اعلان دن اعتباراً بر ماهک ختامنده احاله موقته سی یوزده بش ضم ایله اون بش کون صکره احاله قطعی سی کشیده ایدمک اوزره موقع مزایده به وضع ایلمشدر . یوزده اون نسبتنده کی پی آچھسنی پشینا ویرمک رسوم دلایله و مصارف ساثره مشتری به عاډ اولق عقب احاله دن نهایت بش کون طرفنده بدل احاله یی دفعه و تماماً تأدیه ایتمک شرطیله طالب اولانلر منادی امین افندی ایله سیوره رک اجرا دائره سنه مراجعت ایلملری لزومی اعلان اولنور .

§ ایتم صندیغنه مدیون بولندیغی ازغیر گذشته بیك لیرای تأدیه ایتمیان مصلوب شیخ ایوب افندیك مرهون اولوب فروختی قرار کیر اولان جامع کبیر محله سنده کائن ایکی باب خان اولوب ایوم تحویل اولنش بر باب خانک نصفی اوچپوز التمش سهم اعتباریله یوز قرق سکر سهمی تاریخ اعلان دن اعتباراً بر ماه ختامنده احاله موقته سی یوزده بش ضم ایله اون بش کون صکره احاله قطعی سی کشیده ایدمک اوزره موقع مزایده به چیقارلمش یوزده اون نسبتنده پی آچھسنی

İÇİNDEKİLER

Reîs-i Cumhûr Hazretlerinin Büyük Millet Meclisi'nin Üçüncü İntihâb Devresinin İkinci İctimâ'ında Hey'et-i Umûmiyyede İrâd Buyurdıkları Nutuk.....1

Kânun.....5

1353 Numaralı Kânun.....5

Ta'mîm.....7

Dâhiliyye Vekâletinden.....7

İ'lânlar.....8